

晚唐劉兼詩目

貴遊

夢歸故園二首

蜀都春晚感懷

對雨

春霽

秋夕書懷二首

春宵

秋夕書懷呈戎州郎中

二首

晚樓寓懷

征婦怨

對鏡

春燕

春晚寓懷

中春宴遊

春晚閒望



秋夕書事

蓮塘霽望

送從弟舍人入蜀

新迴車院筵上作

寄長安鄭員外

咸陽懷古

春怨

登樓寓望

江岸獨步

江樓望鄉寄內

命妓不至

宣賜錦袍設上贈諸郡

客

晨雞

芳春

春遊

又

重陽感懷二首

宴遊池館

寄高書記

再見從弟舍人

春晝醉眠

中夏晝臥

春夕寓興

春夜

訪飲妓不遇招酒徒不

至

春宴河亭

蜀都道中

萬葛樹

春夕遣懷

西齋

新蟬

寄滑州文秀大師

中春登樓二首

自遣

偶有下塲囚而自遣 倦學

去年今日 晝寢

郡齋寓興 閒望書懷

玉燭花 從弟惠茶

再看光福寺牡丹 海棠花

新竹 木芙蓉

送二郎君歸長安 送文英大師

酌勾評事 初至郡界

到郡後有寄 長春節

登郡樓書事 旭川祁宰思家而卒因

述意呈秦川知己 登郡樓書懷三首

偶聞官吏舉請輒有一篇寄從弟舍人

誠是非 簡豎儒

貽諸興

劉兼

貴遊

繡衣公子宴池塘  
淑景融融萬卉芳  
珠翠照天春未老  
管絃臨水日初長  
風飄柳線金成穗  
雨洗梨花玉有香  
醉後不能離綺席  
擬憑青帝繫斜陽

夢歸故園

桐葉飛霜落井欄  
菱花藏雪助衰顏  
夜牕颯颯搖寒竹  
秋枕迢迢夢故山  
臨水釣舟橫荻岸  
隔溪禪侶啓柴關  
覺來依舊三更月  
離緒鄉心起萬端

舊館秋寒夜夢長  
水簾疎影入迴塘  
宦情率爾拖魚艇  
客恨依然在燕梁  
白鷺獨飄山面雪  
紅蕖全謝鏡心香  
起來不語無人會  
醉倚東軒半夕陽

蜀都春晚感懷

蜀都春色漸離披  
夢斷雲空事莫追  
宮闕一城荒作草  
王孫猶自醉如泥  
誰家玉笛吹殘照  
柳市金絲拂舊堤  
可惜錦江無錦濯  
海棠花下杜鵑啼

對雨

幽庭凝碧亦漣漪  
簷雷聲繁聒夢歸  
半岫金烏纔委照  
一川石燕又交飛  
濯枝霖霖榴花吐  
吹渚颿颿暑氣微  
因憶故園閒釣處  
蒼苔斑駁滿漁磯

春霽

春霽江山似畫圖  
醉垂鞭袂出康衢  
猖狂亂打豨貅鼓  
懶慢遲修鴛鴦書  
老色漸來欺鬢髮  
閒情將欲傲簪裾  
苔錢遍地知多少  
買得花枝不落無

秋夕書懷

荒僻淹留歲已深  
解龜無計恨難任  
守方半會蠻

夷語賀厦全忘燕雀心夜靜倚樓悲月笛秋寒欹  
枕泣霜砧宦情總逐愁腸斷一筴鱸魚直萬金

二

直氣從來不入時掩關慵更釣礮溪斯文未喪宜  
尼歎吾道將窮阮籍悲輕粉覆霜凝夜砌亂金鋪  
菊織秋籬南陽臥久無人問薄命非才有可疑

春宵

春雲春日共朦朧滿院梨花半夜風宿酒未醒珠  
箔捲艷歌初闕玉樓空五湖范蠡才堪重六印蘇

秦道不同再取素琴聊假寐南柯靈夢莫相通

秋夕書懷呈戎州郎中

素律初迴枕簟涼松風飄泊入華堂譚雞寂默紗  
牕靜夢蝶蕭條玉漏長歸去水雲多阻隔別來情  
緒足悲傷霜砧月笛休相引只有離襟淚兩行

二

風送秋荷滿鼻香竹聲敲玉近虛廊夢迴故國情  
方黯月過疎簾夜正涼菱鏡也知移艷態錦書其  
柰隔年光鸞膠處處難尋覓斷盡相思寸寸腸

晚樓寓懷

薄暮疎林宿鳥還，倚樓垂袂復憑欄。  
月沉江底珠輪淨，雲鎖峰頭玉葉寒。  
劉毅暫貧雖壯志，馮唐將老自低顏。  
無言獨對秋風立，擬把朝簪換釣竿。

征婦怨

金閨寂寞罷粧臺，玉筍闌干界粉腮。  
花落掩關春欲暮，月圓欹枕夢初迴。  
鸞膠豈續愁腸斷，龍劍難揮別緒開。  
曾寄錦書無限意，塞鴻何事不歸來。

對鏡

青鏡重磨照白鬚，白鬚閒撚意何如。  
故園迢遞千山外，荒郡淹留四載餘。  
風送竹聲侵枕簟，月移花影過庭除。  
秋霜滿領難消釋，莫讀離騷失意書。

春燕

多時牕外語呢喃，只要佳人捲繡簾。  
大厦已成須慶賀，高門頻入莫憎嫌。  
花間舞蝶和香趁，江畔春泥帶雨銜。  
栖息數年情已厚，營巢爭肯傍他簷。

春晚寓懷

一承兌澤蒞方州，八度春光照郡樓。  
好景幾將官

物唐詩四  
吏醉名山時領管絃遊空花任爾頻侵眼老雪從  
他漸滿頭歸去杜陵池閣在只能歡笑不能愁

中春宴遊

二月風光似洞天紅英翠萼簇芳筵楚王雲雨迷  
巫峽江令文章媚蜀箋歌黛久顰春袖斂舞衣新  
繡曉霞鮮酒闌香袂初分散笑指漁翁釣暮烟

春晚閒望

東風滿地是梨花只把琴心殢酒家立處晚樓橫  
短笛望中春草接平沙雁行斷續晴天遠燕翼參

差翠幕斜歸計未成頭欲白釣舟煙浪思無涯

秋夕書事

搖落江天萬木空雁行斜戛塞垣風征閨擣月離  
愁遠舊館眠雲旅夢通郢客豈能陪下里臯禽爭  
肯戀樊籠此心曠蕩誰相會盡在南華十卷中

蓮塘霽望

新秋菡萏發紅英向晚風飄滿郡馨萬疊水紋羅  
乍展一雙鸚鵡繡初成採蓮女散吳歌闕拾翠人  
歸楚雨晴遠岸牧童吹短笛蓼花深處信牛行



唐詩五  
送從弟舍人入蜀

嘉陵江畔餞行車，離袂難分十里餘。  
慷慨莫誇心似鐵，雷連不覺淚成珠。  
風光川谷梅將發，音信雲天雁未疎。  
立馬舉鞭無限意，會稀別遠擬何如。

新迴車院筵上作

迴車院子未迴車，三載疲民詠袴襦。  
借寇已承英主詔，乞骸須上老臣書。  
黃金蜀柳籠朱戶，碧玉湘筠映綺疏。  
因問滿筵詩酒客，錦江何處有鱸魚。

寄長安鄭員外

屈指良交十四人，隙駒風燭漸爲塵。  
當初花下三秦客，只有天涯二老身。  
乘醉幾同遊北內，尋芳多共謁東隣。  
此時阻隔關山遠，月滿江樓淚滿巾。

咸陽懷古

高秋咸鎬起霜風，秦漢荒陵樹葉紅。  
七國鬪雞方賈勇，中原逐鹿更爭雄。  
南山漠漠雲常在，渭水悠悠事旋空。  
立馬舉鞭遙望處，阿房遺址夕陽東。

春怨

繡林紅岸落花鈿，故去新來感自然。  
絕塞杪春悲

漢月長林深夜泣  
湘絃錦書雁斷應難寄  
菱鏡鸞孤貌可憐  
獨倚畫屏人不會  
夢魂纔別戍樓邊

登樓寓望

憑高多是偶汎瀾  
紅葉何堪照病顏  
萬疊雲山供遠恨  
一軒風物送秋寒  
背琴鶴客歸松徑  
橫笛牛童臥蓼灘  
獨倚郡樓無限意  
夕陽西去水東還

江岸獨步

醉卓寒筇傍水行  
漁翁不會獨吟情  
龜能顧印誰相重  
鶴偶乘軒自可輕  
簪組百年終長物  
文章千

古亦虛名是非得  
喪皆閒事休向南柯與夢爭

江樓望鄉寄內

獨上江樓望故鄉  
淚襟霜笛共淒涼  
雲生隴首秋雖早  
月在天心夜已長  
魂夢只能隨蛺蝶  
煙波無計學鴛鴦  
蜀箋都有三千幅  
總寫離情寄孟光

命妓不至

琴中難挑孰憐才  
獨對良宵酒數杯  
蘇子黑貂將已盡  
宋弘青鳥又空回  
月穿淨牖霜成隙  
風捲殘花錦作堆  
欹枕夢魂何處去  
醉和春色入天台

宣賜錦袍設上贈諸郡客

十月芙蓉花滿枝  
天庭驛騎賜寒衣  
將同玉蝶侵肌冷也  
遣金鵬遍體飛  
夜臥始知多忝竊  
晝行方覺轉光輝  
深冬若得朝丹闕  
太華峰前衣錦歸

晨雞

朱冠金距絳毛身  
昧爽高聲已報晨  
作瑞莫慚先貢楚  
擅場須信獨推秦  
淮南也伴升仙犬  
函谷曾容借曉人  
此日卑棲隨飲啄  
宰君驅我亦相馴

芳春

微雨微風隔畫簾  
金爐檀炷冷慵添  
桃花滿地春牢落  
柳絮成堆雪棄嫌  
寶瑟不能邀卓氏  
綵毫何必夢江淹  
宦情歸興休相撓  
隼旆漁舟總未厭

春遊

柳成金穗草如茵  
載酒尋花共賞春  
先入醉鄉君莫問  
十年風景在三秦

又

搖搖離緒不能持  
滿郡花開酒熟時  
羞聽黃鶯求善友  
強隨綠柳展愁眉  
隔雲故國山千疊  
傍水芳

林錦萬枝聖主未容歸北闕且將勤儉撫南夷  
重陽感懷

重陽不忍上高樓寒菊年年照暮秋萬疊故山雲  
總隔兩行鄉淚血和流黃茅莽莽連邊郡紅葉紛  
紛落釣舟歸計未成年漸老茱萸羞戴雪霜頭

二

載花乘酒上高山四望秋空八極寬蜀國江山存  
不得劉家雞犬取何難張儀舊壁蒼苔厚葛亮荒  
祠古木寒獨對斜陽更惆悵錦江東注似波瀾

宴遊池館

綺筵金碧照芳菲酒滿瑤卮水滿池去歲南岐離  
郡日今春東蜀看花時儉蓮發臉當籌者緒柳生  
腰按柘枝座客半酣言笑狎孔融懷抱正怡怡

寄高書記

齊朝慶裔祖敖曹麟角無雙鳳九毛聲價五侯爭  
辟命文章一代振風騷醉琴自寄陶家意夢枕誰  
聽益郡刀補袞應星曾奏舉北山南海孰爲高

再見從弟舍人

屈指依稀十五年  
鸞臺祕閣位相懸  
分飛淮甸雁行斷  
重見江樓蟾影圓  
滯跡未偕朝北闕  
高才方命入西川  
願君通理須還早  
拜慶慈親几杖前

春晝醉眠

朱欄芳草綠纖纖  
欹枕高堂捲畫簾  
處處落花春寂寂  
時時中酒病恹恹  
寒鴻信斷雖堪訝  
梁燕詞多且莫嫌  
自有卷書銷永日  
霜華未用鬢邊添

中夏晝臥

寂寂無聊九夏中  
傍簷依壁待清風  
壯圖奇策無

人問不及南陽一臥龍

春夕寓典

忘憂何必在庭萱  
是事悠悠竟可寬  
酒病未能辭錦里  
春狂又擬入桃源  
風吹楊柳絲千縷  
月照梨花雪萬團  
閒泥金徽度芳夕  
幽泉石上自潺湲

春夜

薄薄春雲籠皓月  
杏花滿地堆香雪  
醉垂羅袂倚朱欄  
小數玉仙歌未闕

訪飲妓不遇招酒徒不至

小橋流水接平沙何處行雲不在家  
畢卓未來輕竹葉劉晨重到帶桃花  
琴樽冷落春將盡幃幌蕭條日又斜  
回首却尋芳草路金鞍拂柳思無涯

春宴河亭

柳擺輕絲拂嫩黃檻前流水滿池塘  
一筵金翠臨芳岍四面煙花出粉墻  
舞袖逐風翻繡浪歌塵隨燕下雕梁  
蠻箋象管休凝思且放春心入醉觴

蜀都道中

劍關雲棧亂崢嶸得喪何由險與平  
千載寇滅終失守一堆鬼錄漫留名  
季年心不延昏主薄賞那堪激懦兵  
李特後來多二世納降歸擬盡公卿

萬葛樹

葉如羽蓋豈堪論百步清陰鎖綠雲  
善政已聞思召伯英風偏稱號將軍  
靜鋪講席麟經潤高拂口枝兔影分  
更有歲寒霜雪操莫將樗櫟擬相羣

春夕遣懷

窮通分定莫淒涼且放歡情入醉鄉  
范蠡扁舟終去相馮唐半世只爲郎  
風飄玉笛梅初落酒汎金

樽月未央休把虛名撓懷抱九原丘壠盡侯王

西齋

西齋新竹兩三莖也有風敲碎玉聲莫恨移來欄  
檻遠譬如元本此間生

新蟬

齊女屏幃失舊容侍中冠冕有芳蹤翅翻晚鬢尋  
香露聲引秋絲逐遠風旅館聽時髭欲白戍樓聞  
處葉多紅只知送恨添愁事誰見凌霄羽蛻功

寄滑州文秀大師

分飛屈指十三年茵蔯峰前別社蓮薄宦偶然來  
左蜀孤雲何事在南燕一封瑤簡音初達兩處金  
沙色共圓珍重湯休惠佳句郡齋吟久不成眠

中春登樓

金杯不以滌愁腸江郡芳時憶故鄉兩岍煙花春  
富貴一樓風月夜淒涼王章莫耻牛衣淚潘岳休  
驚鶴鬢霜歸去蓮花歸未得白雲深處有茅堂

二

古今通塞莫咨嗟謾把霜髯敵歲華失手已慚蛇

有足用心休爲鼠無牙九天雲淨方憐月一夜風  
高便厭花獨倚郡樓人不會釣舟春浪接平沙

自遣

木上亨衢獨醉吟賦成無處博黃金家人莫問張  
儀舌國士須知豫讓心照乘始堪沽善價陽春爭  
忍混凡音鷓鴣鱗翼途程在九萬風雲海浪深

偶有下殤因而自遣

彭壽殤齡共兩空幻泡綠影夢魂中缺圓宿會長  
如月飄忽浮生疾似風修短百年先後定賢愚千

古是非同南柯太守知人意休問陶陶塞上翁

倦學

樂廣亡來冰鏡稀宓妃嫫母混妍媸且於霧裏藏  
玄豹休向窓中問碧雞百氏典墳空自苦一堆螢  
雪竟誰知門前春色芳如畫好掩書齋任所之

去年今日

去年今日到榮州五騎紅塵入郡樓貔虎只知迎  
太守蠻夷不信是儒流姦豪已息時將泰疲瘵全  
蘇歲又周聖主若容辭重祿便歸煙水狎羣鷗



晝寢

花落青苔錦數重  
書淫不覺避春慵  
恣情枕上飛  
莊蝶任爾雲間騁  
陸龍玉液未能消  
氣魄牙籤方可滌  
昏蒙起來已被詩魔引  
窓外寒敲翠竹風

郡齋寓興

依約樊川似旭川  
郡齋風物盡蕭然  
秋庭碧蘚鋪  
雲錦晚閣紅蕖簇  
水仙醉筆語狂揮  
粉壁歌梁塵  
亂拂花鈿情懷放  
蕩無羈束  
地角天涯亦信緣

閒望書懷

郡城樓閣繞江濱  
風物清秋入望頻  
銅鼓祭龍雲  
塞廟蘆花飄市雪  
粘人蓮披淨沼羣  
香散鷺點寒  
烟玉片新歸去  
杜陵池館在且將朝服拂埃塵

玉燭花

裊裊香英三四枝  
亭亭紅艷照階墀  
正當晚檻初  
開處却似春闈就  
試時少女不吹方  
熠燿東君偏  
惜未離披夜深斜  
倚朱欄外擬把隣  
光借與誰

從弟惠茶

曾求芳茗貢蕪詞  
果沐頒霑味甚奇  
龜背起紋輕

炙處雲頭翻液乍烹時老丞倦悶偏宜矣舊客過  
從別有之珍重宗親相寄惠水亭山閣自攜持

再看光福寺牡丹

去年曾看牡丹花蛺蝶迎人傍彩霞今日再遊光  
福寺春風吹我入仙家當筵芬馥歌唇動倚檻嬌  
羞醉眼斜來歲未朝金闕去依前和露載歸衙

海棠花

淡淡微紅色不深依依偏得似春心煙輕虢國艷  
歌黛露重長門斂淚衿低傍繡簾人易折密藏香

藥蝶難尋良宵更有多情處月下芬芳伴醉吟

新竹

近牕臥砌兩三叢佐靜添幽別有功影鏤碎金初  
透月聲敲寒玉乍搖風無憑費叟煙波碧莫信湘  
妃淚點紅自是子猷偏愛爾虚心高節雪霜中

木芙蓉

素靈失律詐風流強把芳菲半載偷是葉歲蕤霜  
照夜此花爛熳火燒秋謝蓮色淡爭堪種陶菊香  
穠亦合羞誰道金風能肅物因何厚薄不相侔

送二郎君歸長安

我兒辭去淚雙流蜀郡秦川兩處愁紅葉滿山歸  
故國黃茅徧地住他州荷衣曉掛慙官吏菱鏡秋  
窺訝鬢髭好向雲泉營舊隱莫教莊叟畏犧牛

送文英大師

屈指平陽別社蓮蟾光一百度曾圓孤雲自在知  
何處薄宦參差亦信緣山郡披風方穆若花時分  
袂更淒然搖鞭相送嘉陵岸回首羣峰隔翠煙

酌勾評事

閒庭欹枕正悲秋忽覺新編浣遠愁才薄只愁安  
雁戶年高空憶復漁舟鷺翹皓雪臨汀岍蓮裊紅  
香匝郡樓對景却慚無藻思南金荆玉卒難酬

初至郡界

嘉陵江畔接榮川兩畔旌旗下瀨船郡印已分炎  
瘴地朝衣猶惹御爐煙蓮塘小飲香隨艇月榭高  
吟水壓天錦字莫嫌歸路遠華夷一統太平年

到郡後有寄

蜀路新修盡坦平交親深幸再逢迎正當返袂思

鄉國却似歸家見弟兄  
霑澤只慙堯綍重沂流還  
喜范舟輕欲將感戀裁書旨  
多少魚箋寫得成

長春節

聖朝佳節遇長春  
跪捧金爐祝又焚  
寶藏發來天地秀  
兵戈銷後帝皇尊  
太平基址千年永  
混一車書萬古存  
更有馨香滿芳檻  
和風遲日在蘭蓀

登郡樓書事

偶奉綸書蒞旭川  
郡樓嘉致盡依然  
松欹鳥道雲藏寺  
月滿漁舟水浸天  
望帝古祠花簇簇  
錦城歸

路草芊芊有時倚檻垂  
雙袂故國風光似眼前

旭川祁宰思家而卒因述意呈秦川知己

歲稔民康絕訟論政成  
公暇自由身朝看五馬閒  
如社夜擁雙姬煖似春家計  
不憂憑冢子官資無愧是朝臣  
豈同齷齪祁員外至死悲涼一婦人

登郡樓書懷

烟雨樓臺漸晦冥  
錦江澄碧浪花平  
卞和未雪荆山耻  
莊舄空傷越國情  
天際寂寥無雁下  
雲端依約有僧行  
登高欲繼離騷詠  
魂斷愁深寫不成

二

邊郡荒涼悲且歌故園迢遞隔烟波琴聲背俗終  
如是劍氣衝星又若何朝客漸通書信少釣舟頻  
引夢魂多北山更有移文者白首無塵歸去麼

三

莫嗔阮氏哭途窮萬代深沉恨亦同瑞玉豈知將  
抵鵲鉛刀何事却屠龍九夷欲適嗟吾道五柳終  
歸效古風獨倚郡樓無限意滿江烟雨正冥濛

偶聞官吏舉請輒有一篇寄從弟舍人

官吏潛陳借寇詞宦情鄉夢兩相違青城錦水無  
心住紫閣蓮峰有意歸張翰鱸魚因醉憶孟光書  
信近春稀黃茅瘴色看看起貪者猶疑別是機

誠是非

巧舌如簧總莫聽是非多自愛憎生三人告母雖  
投杵百犬聞風只吠聲辨玉且寬和氏罪誣金須  
認不疑情因思疇昔遊談者六國交馳亦受烹

簡豎儒

蹄涔豈信有滄浪螢火何堪並太陽淵奧未曾探

禹穴矜誇便擬越丘壻小巫神氣終須怯下俚音  
聲必不長近日冰壺多晦昧虎皮羊質也觀光

貽諸學童

橫經又手步還趨積善方知慶有餘五個小雛離  
學院一行新雁入貧居攘羊告罪言何直舐犢牽  
情裡豈虛勸汝立身須苦志月中丹桂自扶疎

晚唐劉威詩目

遊東湖黃處士園林

造懷寄歐陽秀才

感遇

東城值雨

贈歐陽秀才

題許子正處士新池

旅懷

贈道者二首

七夕

傷曾秀才馬

旅中早秋

塞上作

早秋遊湖上亭

秋日寄陳景孚秀才

冬日送友人西歸

早秋西歸有懷

宿漁家

冬夜旅懷

三閭大夫

尉遲將軍

送元秀才入道

早秋歸

晚春陪王員外東塘遊宴

早春

傷春感懷

閏三月

歐陽示新詩因貽四韻

劉威

遊東湖黃處士園林

偶向東湖更向東  
數聲雞犬翠微中  
遙知楊柳是門處  
似隔芙蓉無路通  
樵客出來山帶雨  
漁舟過去水生風  
物情多與閒相稱  
所恨求安計不同  
遣懷寄歐陽秀才

地上江河天上鳥  
百年流轉只須臾  
平生閒過日將日  
欲老始知吾負吾  
似豹一斑時或有  
如龜三顧豈全無  
古來晚達人何限  
莫笑空枝猶望蘇

感遇

海竭山移歲月深  
分明齊得世人心  
顏回徒恨少成古  
彭祖何曾老至今  
須向道中平貴賤  
還從限內任浮沉  
他年免似驪山鬼  
信有蓬萊不可尋

東坡值雨

四月鸞輿出鳳城  
此時遊子動歸程  
蓬萊一水通雲氣  
閭闔千門度雨聲  
書卷喜從船尾載  
酒杯愁就馬頭傾  
長年三老歡相語  
沙際河流一夜生

贈歐陽秀才

桐上知音日下身  
道光誰不仰清塵  
偶來水館逢爲客  
舊熟詩名似故人  
永日空驚滄海濶  
何年重見白頭新  
權門要路應行遍  
閒伴山夫一夜貧

題許子正處士新池

坐愛風塵日已西  
功成得與化成齊  
巧分孤島思何遠  
欲似五湖心易迷  
漸有野禽來試水  
又憐春草自侵隄  
那堪更到芙蓉折  
晚夕香聯桃李蹊

旅懷

物態人心漸渺茫  
十年徒學釣滄浪  
老將何面還



吾土夢有驚魂在楚鄉自是一身嫌苟合誰憐今日欲作狂無名無位却無事醉落烏紗臥夕陽

贈道者

五雲深處有真仙歲月催多却少年入郭不知今  
世事賣舟猶覓古時錢閒尋白鹿眠瑤草暗摘紅  
桃去洞天時向人間深夜坐鬼神長在藥囊邊

二

道帔輕裾三島雲綠髯長占鏡中春高風已駕祥  
鸞馭浮世休驚野馬塵過客獨辭王母面度關誰

識老聃身儒夫也愛長生術不見人間大笑人

七夕

烏鵲橋成上界通千秋靈會此宵同雲收喜氣星  
橋滿雨拂香塵月殿空翠輦不行青草路金鑿徒  
恨白榆風彩盤花閣無窮意只在遊絲一縷中

傷曾秀才馬

買得龍媒越水濱輕桃細杏色初分秋蹄未過陽  
關日夜魄忽銷陰塞雲吳練已知隨影沒朔風猶  
想帶嘶聞臨軒振策休惆悵坐致煙霄只在君

旅中早秋

金威生止水爽氣遍遙空  
草色蕭條路槐花零落  
風夜來萬里月覺後一聲鴻  
莫問前程事颯然沙  
上蓬

塞上作

蕭蕭隴水側落日客愁中  
古塞一聲笛長沙千里  
風鳥無棲息處人受戰爭功  
數夜城頭月彎彎如  
引弓

早秋遊湖上亭

危亭秋尚早野思已無窮  
竹葉一樽酒荷香四座  
風曉煙孤嶼外歸鳥夕陽中  
漸愛湖光冷移舟月  
滿空

秋日寄陳景孚秀才

征車日已遠物候尚淒淒  
風葉青桐落露花紅  
樅  
低心隨泰國遠夢到楚山迷  
却恨銜蘆雁秋飛不  
向西

冬日送友人西歸

北風吹別思杳杳度雲山  
滿望是歸處一生猶未

閒知音方見譽浮宦又相關空有心如月同君千里還

早秋西歸有懷

求歸方有計惜別更堪愁上馬江城暮出郊山戍秋暗銷何限事白盡去年頭莫怪頻惆悵異鄉難再遊

宿漁家

竹屋清江上風煙四五家水園分芰葉鄰界認蘆花雨到魚翻浪洲迴鳥傍沙月明何處去片片歸

帆斜

冬夜旅懷

寒牕危竹枕月過半牀陰嫩葉不歸夢晴蟲成苦吟酒無通夜力事滿五更心寂寞誰相似殘燈與素琴

三閭大夫

三閭一去湘山老烟水悠悠痛古今青史已書殷鑒在詞人勞詠楚江深竹移低影潛貞節月入中流洗恨心再引離騷見微旨肯教漁父會昇沉

尉遲將軍

天仗擁門希授鉞重臣入夢豈安金江河定後威  
風在社稷危來寄託深扶病暫將弓試力感恩重  
與劍論心明妃若遇英雄世青塚何由怨陸沉

送元秀才入道

不教榮樂損天機願逐鸞凰次第飛明月滿時開  
道帔俗塵飄處脫儒衣只攜仙籍還金洞便與詩  
書隔翠微空有緘題報親愛一千年後始西歸

早秋歸

數口飄零身未迴夢魂遙斷越王臺家書欲寄雁  
飛遠客恨正深秋氣來風解綠楊三署冷月當銀  
漢四山開茫茫歸路在何處砧杵一聲心已摧

晚春陪王員外東塘遊宴

水綠山青春日長政成因暇泛回塘初移柳岸笙  
歌合欲過蘋洲羅綺香共濟已驚依玉樹隨流還  
許醉金觴一聲畫角嚴城暮雲雨分時滿路光

早春

曉來庭戶外草樹似依依一夜東風起萬山春色

歸水消泉脉動日暖露花晞已醞看花酒嬌鶯莫  
預飛

傷春感懷

花飛惜不得年長更堪悲春盡有歸日老來無去  
時風前千片雪鏡裏數莖絲腸斷青山暮獨攀楊  
柳枝

閏三月

三年皆一閏此閏勝常時莫怪花開晚都緣春盡  
遲節分炎氣近律應蕙風移夢得成蝴蝶芳菲幸

不遺

歐陽示新詩因貽四韻

衝憂瑤瓊得至音數篇清越應南金都由苦思無  
休日已證前賢不到心風入寒松聳自古水歸滄  
海意皆深欲知字字驚神鬼一氣秋時試夜吟

斯集凡經三閱其心星坪周乃早歲初讀所加他  
則抄代詩晚年選天籟集所加者其審擇濫謹自可別也

唐寅及仲 愚漢茶後

